

Pab Thawjcoj Ntawm Pawg Niamtsev Tes Dejnum

PHAJ V. PAWG NIAMTSEV LUB CEV

Feem 1. Cov Thawjcoj/Cov Tuav Dejnum Tej Phab.

A. Pab Thawjcoj.

(Saib rawsli tej pawg niamtsev kevcai tswjhwm)

1. **Thawj Niamtsev (Director).** Tus thawj niamtsev yog tus uas saib thiab lig cov homphiaj dejnum ntawm pawg niamtsev kom tiav thiab txhawb tej uas tau pomzoo yuav ua. Nws yog tus tswj rooj sablaj ntawm pawg niamtsev thiab rooj sablaj ntawm cov tsavxwm niamtsev.

Nws yog tus:

- *Cob dejnum rau cov tsavxwm, cov tuav dejnum tej phab thiab tej pab kavxwm.*
- *Ua kevcai tostxais cov tswvcuab tshiab ntawm pawg niamtsev.*
- *Tshabxo txwmxyoo rau pawg niamtsev, pawgntseeg thiab Koomhaum Niamtsev (KHN).*
- *Tshabxo cov tsavxwm tshiab mus rau KHN.*
- *Taug qab cov tsavxwm pawg niamtsev, cov tuav dejnum tej phab thiab tej pab kavxwm saib cov dejnum uas nws lossis lub rooj tsavxwm tso rau lawv ua txog twg, lossis ua tiav licas lawm.*

2. **Lwm Thawj Niamtsev [Assistant Director (yog haistias muaj)].** Tus lwm thawj niamtsev yog tus tswj txhua lub rooj sablaj thaum tus thawj niamtsev muaj chaw tabkaum thiab ua tej dejnum uas thawj niamtsev tsocai rau nws ua. Nws yuav tau ua dejnum rawsli lub rooj tsavxwm pomzoo rau nws ua kom tiav. Yog haistias tus thawj niamtsev so nws tes dejnum lossis tag simneej, tus lwm thawj niamtsev yog tus los tuav lub meejmom thawj niamtsev mus txog thaum uas xaiv lossis taw dua tus thawj niamtsev.

3. **Teevntawv (Secretary).** Tus teevntawv yuavtsum tau khaws tej ntaub ntawv teev kev sablaj txhua zaus ntawm pawg niamtsev, ntawm pab thawjcoj thiab pab tsavxwm niamtsev. Nws yuavtsum ua dejnum sau ntaub ntawv mus los rawsli lub rooj tsavxwm pomzoo rau nws ua.

Nws yog tus:

- *Teev txhua yam lus thaum pab thawjcoj lossis lub rooj tsavxwm sablaj txhua zaus thiab thaum hais dejnum rau lub sijhawm pawg niamtsev muaj kev sib txoos uake. Muab cov lus uas nws teev tseg ntawd koj mus ntaus; muab rau tus thawj niamtsev saib ua ntej, thawj niamtsev thiab nws suam npe rau mam li koj mus luam thiab muab faib rau pab thawjcoj, pab tsavxwm txhua tus lossis cov niamtsev.*
- *Ua cov ntawv tshabxo dejnum rau pawg niamtsev, cov ntawv tshabxo txwmxyoo rau pawgntseeg thiab KHN. Yuav tau muab cov ntawv tshabxo no rau thawj niamtsev saib ua ntej uas xa tawm mus lossis ua ntej luam faib rau cov niamtsev.*

- *Teev cov niamtsev uas tuaj koom niamtsev kev sib txoos/ntsib uake npe txhua zaus rawsli lub rooj tsavxwm pomzoo. Suav cov niamtsev saib tuaj pestsawg leej txhua zaus uas pawg niamtsev muaj mus thov Vajtswv, mus saib cov niamtsev lossis mus ua tej yam dejnum uas pawg niamtsev npaj muaj.*
- *Ua dejnum rawsli lub rooj tsavxwm pomzoo lossis thawj niamtsev tsocai rau ua.*

4. **Cianyiaj (Treasurer).** Tus cianyiaj yuavtsum khaws tagrho tej ntaub ntawv uas teeV txog nyiajtxiag kom meeJ. Txhua daim ntawv povthawj (receipt) siv nyiaj thiab ntxiv nyiaj rov qab rau kev siv, thiab txhua yam kev siv nyiaj rawsli lub rooj tsavxwm pomzoo lossis tau tsocai lawm.

Nws yog tus:

- *Ua cov ntawv tshabxo nyiajtxiag rau pawg niamtsev, cov ntawv tshabxo nyiajtxiag txwmxyoo rau pawgntseeg thiab KHN. Yuav tau muab cov ntawv tshabxo no rau thawj niamtsev saib ua ntej uas xa tawm mus lossis ua ntej luam faib rau cov niamtsev.*
- *Xa pawg niamtsev cov nyiaj mus rau KHN, Koomhum Namtsev Qibsiab (KHNQS) thiab lwm tus rawsli hom nyiaj ntawd thiab rawsli lub sijhawm teem tseg.*
- *Ua dejnum rawsli lub rooj tsavxwm pomzoo lossis rawsli thawj niamtsev tsocai rau ua.*

Ceebtoom: *Tsis hais pawg niamtsev coob lossis tsawg, yog pawg niamtsev pomzoo haistias yuav siv tib tug neeg los tuav ob lub meeJmom, uas yog lig tus Teevntawv thiab tus Cianyiaj cov dejnum tibi los tau.*

5. **Tsavxwm [Member-at-Large (yog haistias muaj)].** Tus tsavxwm (tuavxam) no yog ib tug Tsavxwm ntawm pawg niamtsev thiab ua dejnum rawsli pab tsavxwm pawg niamtsev pomzoo.

B. Cov Tuav Dejnum Tej Phab (Coordinator).
(Saib rawsli tej pawg niamtsev kevcai tswjhwmm)

Txhua tus tuav dejnum ntawm tej phab hauv pawg niamtsev yog tsavxwm ntawm pawg niamtsev. Lawv yuavtsum mus koom lub rooj sablaj ntawm cov tsavxwm txhua zaus.

1. **Sib Txoos Uake (Fellowship).** Tus saib kev sib txoos uake yog tus txhawb kom cov niamtsev cia Tswv Yexus Khetos lub hwjchim muab lawv hloov los ua ib co niamtsev uas muaj kev sib txheeb, sib raug zoo nyob taus uake.

Nws yog tus:

- *Rhawv thiab nrhiav kom muaj kev loj hlob, sib hlub, sib pab, sib raug zoo nruab nrab ntawm cov niamtsev hauv pawgntseeg kom zoo tshaj qub.*
- *Rhawv kom muaj kev txhawb zog rau cov niamtsev uas muaj kev nyuaj siab thiab qaug zog.*
- *Ua komtswj rau pawg niamtsev kev sib txoos/ntsib uake thiab nrhiav neeg pab lig dejnum.*

- *Npaj nkauj thiab qhia nkauj rau cov niamtsev lub limtiam uas pawg niamtsev muaj kawm nkauj thiab txhua zaug uas pawg niamtsev yuav muaj hu nkauj tshwjxeeb lossis hu rau tej yam tshwjxeeb.*
- *Ua dejnum rawsli lub rooj tsavxwm pomzoo lossis rawsli thawj niamtsev tsocai rau ua.*

2. **Cobqhia Thwjtim (Discipleship).** Tus saib kev cobqhia thwjtim yog tus txhawb kom cov niamtsev kawm Vajtswv Txojlus thiab kom lawv txawj cia Vaj Ntsujplig tus Dawbhuv lub hwjchim coj lawv raws Tswv Yexus qab.

Nws yog tus:

- *Rhawv kom muaj kev qhia (mentor), lossis coj lwm tus niamtsev kom paub Vajtswv.*
- *Rhawv kom muaj kev kawm Vajlugkub, lossis kev npaj cuabyeej los ntawm Vajtswv txojlus kom cov niamtsev ua tau timkhawv.*
- *Ua dejnum rawsli lub rooj tsavxwm pomzoo lossis rawsli thawj niamtsev tsocai rau ua.*

3. **Tshajtawm (Outreach).** Tus saib kev tshajtawm yog tus txhawb kom cov niamtsev txawj coj Vajtswv txojkev hlub thiab txojmoo zoo mus qhia rau lawv tsev neeg, lawv cov phoojywg thiab lawv cov kwvtij zej zos.

Nws yog tus:

- *Rhawv kom muaj kev ncav cuag thiab txhawb cov niamtsev hauv lub zej zos uas yog ib txhais yim neej, cov tsis txhua tuaj koom niamtsev, cov muaj mob, thiab cov laus kom paub Vajtswv txoj kev hlub, kev cawmdim. Thiab nrhiav sijhawm mus qhia txog peb kev ntseeg.*
- *Ua dejnum rawsli lub rooj tsavxwm pomzoo lossis rawsli thawj niamtsev tsocai rau ua.*

4. **Xa Moo Zoo (Mission).** Tus saib kev xa moo zoo yog tus txhawb thiab coj cov niamtsev kom koomtes nrog C&MA ua Vajtswv tes dejnum thoob plaws qabntuj, los ntawm txojkev thov Vajtswv, mus xa txojmoo zoo, txhawb cov tub xa moo zoo thiab lawv tsev neeg uas nyob txawv tebchaws, thiab txhawb lub homphiaj nyiaj uas Koomhaum Niamtsev Qibsiab (KHNQS) niaj xyoo npaj xa txojmoo zoo mus rau ntau lub tebchaws.

Nws yog tus:

- *Rhawv kom muaj kev kawm rau cov niamtsev kom paub txog kev xa moo zoo, tsis hais nyob rau hauv yug lub zej zos lossis txawv tebchaws thiab thoob qabntuj.*
- *Rhawv kom muaj kev txhawb kev xa moo zoo los ntawm kev pab nyiajtxiag, khoom siv thiab kev thov Vajtswv.*
- *Rhawv kom muaj kev txhawb pawgntseeg, KHN, thiab KHNQS txog niamtsev tej homphiaj dejnum.*
- *Ua dejnum rawsli lub rooj tsavxwm pomzoo lossis rawsli thawj niamtsev tsocai rau ua.*

Ceebtoom: *Tsis hais pawg niamtsev coob lossis tsawg, yog pawg niamtsev pomzoo haistias yuav siv tib tug neeg los tuav ob lub meejmom, uas yog lig tus saib Kev Tshajtawm thiab tus saib Kev Xa Moo Zoo cov dejnum tibi los tau.*


5. **Thov Vajtswv (Prayer).** Tus saib kev thov Vajtswv yog tus txhawb kom cov niamtsev tuaj sib txoos uake thov Vajtswv, thiab kom lawv nyias muaj kev pehawm Vajtswv ntawm nyias lub neej thiab thov Vajtswv rau kev ua Vajtswv dejnum hauv zej zos, hauv tebhaws no thiab thoob qabntuj.

Nws yog tus:


- *Txhawb nqa kev thov Vajtswv thiab rhawv kom muaj kev thov Vajtswv nruab nrab ntawm cov niamtsev.*
- *Npaj cov nqe rau kev thov Vajtswv uas tej tug niamtsev, pawgntseeg, KHN, KHNQS lossis lwm tus xav kom thov Vajtswv rau, thiab muab faib rau cov niamtsev thov Vajtswv.*
- *Rhawv kom muaj kev ncav cuag cov niamtsev los ntawm kev mus thov Vajtswv rau lawv, thiab teem sijhawm rau kev mus thov Vajtswv.*
- *Npaj komtswj lossis nrhiav neeg coj kev thov Vajtswv txhua zaus uas muaj mus thov Vajtswv, thiab suav saib cov mus koom muaj pestsawg leej.*
- *Ua dejnum rawsli lub rooj tsavxwm pomzoo lossis rawsli thawj niamtsev tsocai rau ua.*

Hauv qab no yog ob daim duab qhia txog pawgntseeg thiab pawg niamtsev lub cev

Pawgntseeg Lub Cev (Church Organizational Structure)



Pawg Niamtsev Lub Cev (Local AWM Organizational Structure)



Cov dejnum teev rau hauv qab cov meejmom saum toj no, tsuas yog qhia lossis taw qee yam dejnum kom cov tsavxwm paub ua dejnum xwb. Tsis tag li ntawd, muaj qee yam dejnum ntawm cov meejmom muaj ntsis zoo ib yam, tiamsis nyias ua nyias dejnum rawsli lub sijhawm npaj ua ntawm tej lub meejmom. Cov dejnum yuav ua hauv tej pawg niamtsev, nyob ntawm lub rooj tsavxwm hauv pawg niamtsev npaj thiab ua rawsli lub rooj tsavxwm hauv pawgntseeg pomzoo.

*Nqhua hu pawg niamtsev sau kevcai tswjhw m lossis kabke khiav dejnum ntxiv, uas tsis cuam tshuam rau cov kevcai tswjhw m ntawm tej pawg niamtsev rawsli **Tej Pawg Niamtsev Kevcai Tswjhw m Phaj IX (Local Policy)** los siv nyob rau ntawm pawg niamtsev, kom yoojyim rau kev khiav dejnum thiab kom dejnum tiav mus rau qhov zoo.*